


大毘婆沙論

卷一百八十八

三百九十  
勤八

50620



阿毗達磨大毗婆沙論卷第一百八十八

五百大阿羅漢等造

三藏法師

玄奘奉

詔譯

見蘊第八中念任納息第一之二

復次有三種念任謂聞思修所成差別此中  
有說於佛所說十二分教受持讀誦思量分  
別名聞所成念任依聞起思依思起修依修  
能斷煩惱如依金卮出金依金出金剛依金  
剛能壞石等堅物脇尊者言於佛所說十二  
分教受持讀誦思量分別是生得慧依生得  
慧起聞所成念任依聞起思依思起修依修  
能斷煩惱如依種子生芽依芽生莖依莖生  
枝葉依枝葉生華果闍此三念任何差別有



說名即差別謂此名聞所成念住乃至此名  
修所成念住有說聞所成念住一切時依名  
於義轉謂素怛纜說有何義毗奈耶說有何  
義阿毗達磨說有何義鄔波拖耶說有何義  
阿遮利耶說有何義餘書論說有何義思所  
成念住或依名或不依名於義而轉修所成  
念住一切時離名於義轉譬如三人俱在池  
浴初人未學浮第二半學第三善學未學浮  
者一切時依岸浴半學浮者或依岸或離岸  
而浴善學浮者恒時離岸在中而浴如第一  
人聞所成亦尔如第二人思所成亦尔如第  
三人修所成亦尔是謂此三念住差別

問此聞思修所成念任何界有幾種答欲界  
有二謂聞思所成非修所以者何欲界是不  
定界非修地非離染地作意修時便墮思由  
故色界有二謂聞修所成非思所以者何色  
界是定界是修地是離染地作意思時便墮  
修中故無色界有一謂修所成然修所成亦  
不墮界有餘師說欲界具有三種餘如前說  
有說欲色界各具三種餘如前說三界  
皆具三種惟修所成亦不墮界評曰初說者  
好問此諸念任何誰為誰因答聞為三種因思  
惟思因非聞因以彼劣故非修因以界別故  
修惟修因非聞因以彼劣故非思因以彼劣

及界別故誰為誰果答聞惟聞果思聞思果  
非修修聞修果非思

問此三念住誰現前修幾答聞所成現前時  
惟修聞非思修思所成現前時惟修思非聞  
修此中間思刹那現前時以習修故名修非  
修未來以勢劣故即以此故惟修自不修他  
修所成現前時能修三種聞思自力雖不能  
修未來而由他力有未來修義

問聞思修所成念住佛獨覺聲聞各有幾種  
答佛具三種而修所成為勝以自然覺及自力  
無畏等功德故獨覺亦具有三而思所成為勝  
以自思惟覺而無力無畏等功德故聲聞亦具三

種而聞所成爲勝以從聞他音入聖道故如說  
我聖弟子聞杖具足斷不善法修習善法復  
有三種念住謂言說究竟念住思惟究竟念  
住出離究竟念住應知此三即聞思修所成  
念住如其次第然聞等三種念住一切皆可  
名聞所成如說

多聞能知法

多聞能離罪

多聞捨無義

多聞得涅槃

一切皆可名思所成如說思者是業慮者是  
慧彼所說慮即思所成一切皆可名修所成  
如說云何應修法謂一切善有爲法

問何謂念住加行云何自相種性雜緣及聞

思修所成念住生起次第。答不淨觀持息念  
界作意是謂念住。加行即此為先。入自相種  
性身念住。即身念住為先。入自相種性受念  
住。即受念住為先。入自相種性心念住。即心  
念住為先。入自相種性法念住。從自相種性  
法念住起。雜緣法念住。從雜緣法念住起。三  
義觀從三義觀有聞所成身念住。先作無常  
乃至無我行相緣苦諦起。次作因乃至緣行  
相緣集諦起。次作道乃至出行相緣道諦起。  
從此無間有聞所成受念住。心念住。各作十  
二行相緣三諦起。亦尔。從此無間有聞所成  
法念住。先作無常乃至無我行相緣苦諦起。



次作因乃至緣行相緣集諦起次作滅乃至  
離行相緣滅諦起次作道乃至出行相緣道  
諦起從聞所成法念住無間有思所成身念  
住作十二行相緣三諦起從此無間有受念  
住作十二行相緣三諦起從此無間有心念  
住作十二行相緣三諦起從此無間有法念  
住作十六行相緣四諦起從思所成法念住  
有修所成法念住先作無常乃至無我行相  
緣苦諦起次作因乃至緣行相緣集諦起次  
作滅乃至離行相緣滅諦起次作道乃至出  
行相緣道諦起如是緣四諦作十六行相法念  
住名為初煖是謂念住加行所引自相種性

雜緣及聞思修所成念住生起次第問何故  
聞思所成念住皆初起身念住緣三諦作十  
二行相後乃起餘念住而修所成念住初即  
起法念住緣四諦作十六行相耶答未曾得  
種性故漸次得行相故先觀麤蘊後觀細蘊  
於五蘊中色蘊最麤先觀彼故初起身念住  
然身受心皆三諦攝故身念住緣三諦作十  
二行相如是聞所成身念住引起聞所成受  
念住聞所成受念住引起聞所成心念住聞  
所成心念住引起聞所成法念住此聞所成  
法念住緣四諦作十六行相聞所成四念住  
漸圓滿已便能引起思所成四念住思所成

四念住漸圓滿已復能引起修所成法念住  
此曾得種性故於一切蘊行相堅住故初即  
起法念住先緣苦諦作四行相乃至後緣道  
諦作四行相如契經說如是修真正願念住  
能破無明發起於明此中說何名修真正願  
念住耶有作是說此中說苦法智忍以此能  
破無明即欲界見苦所斷十隨眠發起於明  
即苦法智有說此中說道類智忍以此能破  
無明即色無色界見道所斷十四隨眠發起  
於明即道類智有說此中說金剛喻定以此  
能破無明即非想非非想處軟輦品煩惱發  
起於明即盡智有說此中說一切無間道以

此能破無明即彼所斷煩惱品發起於明即  
彼品解脫道脅尊者言此中說方便善巧所  
攝受善慧名修真正願念住以此能破無明  
即三不善根發起於明即三善根

如薄伽梵說伽他言

若叢網便著無愛誰能將

佛所行無邊

無迹何迹引

此中佛所行者謂四念住問佛為得念住邊  
際而般涅槃為不得邊際而便般涅槃耶若  
余有何過若言得者何故說佛所行無邊若  
不得者何故說佛得盡智時事善究竟答有  
因緣故可言得邊際有因緣故可言不得邊

際謂依牽引故可言得邊際依受用故可言  
不得邊際復次依獲得故可言得邊際依在  
身故可言不得邊際復次依成就故可言得  
邊際依現前故可言不得邊際

如契經說何謂非苾芻所行處應言五妙欲  
是何謂是苾芻所行處應言四念住是問五  
妙欲亦隨入念住中何故說非所行處耶答  
依能觀者故作是說謂若不如理觀名非所  
行處若如理觀名所行處

如契經說有三念住聖者應習若有聖者善  
習此時乃應御衆云何爲三謂如來爲弟子  
說法時起深憐愍義利悲心告言此爲利益

此爲安樂此爲利益安樂若弟子衆恭敬屬  
耳任奉教心行法隨法不越聖教受學學處  
如來於彼亦不喜慶心不踊悅惟任正捨正  
念正知是名第一念任若有聖者善習此時  
乃應御衆復次如來爲弟子說法時起深憐  
愍乃至義利悲心告言此爲利益此爲安樂  
此爲利益安樂若弟子衆不恭敬不屬耳不  
任奉教心不行法隨法違越聖教不受學學  
處如來於彼亦不恚恨心無憂感惟任正捨  
正念正知是名第二念任若有聖者善習此  
時乃應御衆復次如來爲弟子說法時起深  
憐愍乃至此爲利益安樂若一分弟子衆恭

敬屬耳乃至受學學處一分弟子衆不恭敬  
不屬耳乃至亦不受學學處如來尔時於敬  
受者亦不歡喜心不踊悅於不敬受者亦不  
恚恨心無憂感惟任正捨正念正知是名第  
三念任若有聖者善習此時乃應御衆問若  
尔者但應有二念任謂於敬受及於不敬受  
云何說三種耶荅隨衆會有三故說三種謂  
有衆會一切敬受有衆會一切不敬受有衆  
會一分敬受一分不敬受是故隨彼說三念  
任問若尔便應說七念任謂前四及此三種  
荅此中三種即入前四以俱是前雜緣外法  
念任所攝故問佛說法時若皆敬受便應無

三念住若有不敬受者將無世尊於非田非  
器雨正法雨如是佛說法則爲唐捐荅世尊  
爲人說法欲令人解若當人不解者亦有天  
能解之如是念住有三亦非佛唐捐說法所  
以者何以人不解故念住有三天能解故不  
於非田非器而雨法雨有說佛說法時欲令  
彼彼有情得阿羅漢果彼不得阿羅漢果而  
得不還果故念住有三亦非佛唐捐說法所  
以者何以不得阿羅漢果故念住有三以得  
不還果故不唐捐說法復次佛說法時欲令  
彼彼有情得不還果彼不得不還果而得一  
來果廣說如前如是欲令得一來果預流果



順波擇分善根順解脫分善根順福分善根  
展轉次第廣說亦尔復次佛說法時欲令彼  
彼有情得現法果彼不得現法果而能種當  
來善根故念住有三亦非佛唐捐說法廣說  
如前問何故弟子敬受教時佛不生喜不敬  
受時佛不生憂耶荅佛知有情有如是種姓  
差別惡意樂者行惡善意樂者行善若當惡  
意樂者行善可於彼生喜善意樂者行惡可  
於彼生憂但不如是種性別故如知外物種  
性差別鐵卮出鐵金卮出金是故於銷練時  
從鐵卮得鐵心不生憂從金卮得金心不生  
喜若當與此相違得者可生憂喜然無是事

種性異故世尊亦尔知諸有情種性差別不生憂喜有作是說佛已善斷愛恚法故謂喜似愛憂似恚佛於愛恚皆已善斷故無憂喜復有說者佛已善修空為根本而作是念誰為恭敬者誰為不恭敬者惟空行聚故於眾會不生憂喜。

如契經說有一趣道能令有情清淨謂四念住乃至廣說問云何名一趣道為以能超越一界故名一趣道為以能超越一趣故為以能超越一生故為以能通達一諦故為以能趣一究竟故名一趣道為以但有一道故名一趣道耶設尔何過若以能超越一界故名

一趣道者則非一趣道界有三故若以能超越一趣故名一趣道者亦非一趣道趣有五故若以能超越一生故名一趣道者亦非一趣道生有四故若以能通達一諦故名一趣道者亦非一趣道諦有四故若以能趣一究竟故名一趣道者亦非一趣道以究竟有二種一事究竟二功用究竟故若以但有一道故名一趣道者亦非一趣道以道有多種謂隨信行道隨法行道信勝解道見至道時解脫道不時解脫道故云何言有一趣道耶蒼即由前所說緣及餘緣故名一趣道由前所說緣者謂以能超越一界故名一趣道即無

色界以趣此界者更不生三界故亦以能超越一趣故名一趣道即天趣以超此趣者更不往五趣故亦以能超越一生故名一趣道即化生以超此生者更不受四生故亦以能通達一諦故名一趣道即道諦以此諦從無始時來未曾得故及未曾通達故亦以趣一究竟故名一趣道即事究竟以修功用究竟皆為得事究竟故亦以但有一道故名一趣道即聖道問豈不有隨信行道乃至不時解脫道如是便有多道耶荅一切皆是趣苦滅行故說名一道如趣苦滅行如是趣有滅世間滅生死滅流轉滅生老病死滅行說亦亦

是名由前所說緣故名一趣道及餘緣故者  
謂無異趣故不退還故至不退解脫故至背  
五趣之一趣故如說涅槃是阿羅漢趣由如  
是義名一趣道復有說者能對治異道故名  
一趣道謂諸外道或執不食爲道或執隨日  
轉爲道或執卧灰飲風服水茹菜噉果裸形  
麤衣卧不平等各以爲道佛爲對治彼異道  
故說一趣道此意義言彼種種道皆非真道  
但是惡邪妄道是不善士所習近道非諸善  
士所習近道所以者何真道惟一謂四念住  
或有說者能趣一解脫宮門故名一趣道此  
中應引唄底迦經所說喻如彼說佛告唄底

迦如國邊城其墻堅厚却敵樓櫓睥睨窺窻  
並皆嚴備惟有一門委一人提其人聰慧多  
聞善習應入者聽不應者止彼每巡城察之  
乃至不見獸往來處況餘門耶嗚底迦當知  
彼守門者雖不知日日有尔所有情入城出  
城然其定知諸有入出皆由此門不從餘門  
如是如來雖不作意知尔所有情已般涅槃  
尔所有情當般涅槃然其定知諸有情類已  
般涅槃未般涅槃皆由此道不依餘道是故  
以能趣一解脫宮門故名一趣道  
問正斷神足根力覺支道支爲是一趣道不  
若是者何故彼經惟說念住名一趣道不說

餘耶若非者何故惟念住是一趣道非餘耶  
答應說彼亦是一趣道問若尔者何故彼經  
而不說耶答應說而不說者當知此義有餘  
有說若說念住當知亦已說正斷等有說念  
住是一趣亦是道正斷等是一趣而非道以  
非一切皆是慧故有說念住從初業地乃至  
盡無生智作用恒勝正斷等不尔有說念住  
能分別諸法自相共相能建立諸法自相共  
相能害事愚及所緣愚於諸法中不增減轉  
正斷等不尔有說念住如有目者能將導所  
餘如盲菩提分法趣涅槃宮而無異趣如明  
眼者引諸盲人令隨正路不行非道念住亦

亦是故彼經惟說念住名一趣道而不說餘  
如契經說有一趣道能令有情清淨超滅憂  
苦乃至能證隨正理法謂聖正三摩地及彼  
因緣彼眾具問何故世尊或說般若爲一趣  
道或說等持爲一趣道耶答隨所化有情所  
未具者而說故謂所化有情或有闕奢摩他  
或有闕毗鉢舍那若闕奢摩他者爲說等持  
爲一趣道若闕毗鉢舍那者爲說般若爲一  
趣道般若者即前所說念住以念住慧爲法  
故如契經說若有能辨四念住則能辨正如  
理若能辨正如理則能辨聖道若能辨聖道  
則能辨甘露若能辨甘露即能解脫生老病



死愁歎憂苦諸熱惱法問念住正如理聖道  
甘露何差別答名即差別謂名念住乃至名  
甘露有說念住即顯念住正如理顯正斷神  
足根力覺支聖道顯道支甘露顯彼果有說  
念住顯所緣念住正如理顯相雜念住聖道  
自性念住甘露顯彼果有說念住顯聞所  
成念住正如理顯思所成念住聖道顯修所  
成念住甘露顯彼果有說念住顯言說究竟  
念住正如理顯思惟究竟念住聖道顯出離  
究竟念住甘露顯彼果有說念住顯見道正  
如理顯修道聖道顯無學道見地修地無學  
地說亦余甘露顯彼果有說念住顯未知當

知根正如理顯已知根聖道顯具知根甘露  
顯彼果是謂念住正如理聖道甘露差別

若修身念住彼受耶乃至廣說修有四種謂  
得修習修對治修除遣修得修習修謂一切  
善有為法對治修除遣修謂一切有漏法西  
方師言修有六種謂前四及防護修分別修  
防護修者謂修根如說如是六根善調善護  
善守善防能感當來樂受異熟分別修者謂  
修身如說此身髮毛爪齒乃至廣說迦濕弥  
羅國諸師言此後二修即前對治除遣修攝  
四修義如智蘊等處廣說此中依二修作論  
謂得修習修依此二修於諸位中修念住有

差別謂初煥位中緣三諦法念住現在修未  
來修四一行相現在修未來修四同分修非  
不同分緣滅諦法念住現在修即此未來修  
一行相現在修未來修四亦同分修非不同  
分非初蘊滅觀能修緣蘊道故增長煥緣三  
諦四念住隨一現在修未來修四同分不同  
分修一行相現在修未來修十六緣滅諦法  
念住現在修未來修四一行相現在修未來  
修十六問何故初煥惟同分修非不同分增  
長煥同分不同分修耶答初煥是未曾得種  
性初緣諦起行相勢力劣故惟同分修非不  
同分增長煥是曾得種性已緣諦起行相勢

力強勝故能同分不同分修初頂位中緣四  
諦法念住現在修未來修四同分不同分修  
一行相現在修未來修十六增長頂位緣三  
諦四念住隨一現在修未來修四同分不同  
分修一行相現在修未來修十六緣滅諦法  
念住現在修未來修四一行相現在修未來  
修十六初忍及增長位俱緣四諦法念住現  
在修未來修四同分不同分修一行相現在  
修未來修十六問何故初忍及增長位皆惟  
法念住現在修耶答以忍近見道故與見道  
相似如見道中惟法念住現在修忍亦亦尊  
者妙音說曰順決擇分善根二在欲界謂煖

頂二在色界謂忍世第一法若依彼說初忍  
緣三諦法念住現在修未來修四一行相現  
在修未來修四同分修非不同分緣滅諦法  
念住現在修即此未來修非初蘊滅觀能修  
緣蘊道故一行相現在修未來修四同分修  
非不同分增長忍緣三諦四念住隨一現在  
修未來修四同分不同分修一行相現在修  
未來修十六緣滅諦法念住現在修未來修  
四一行相現在修未來修十六問何故初忍  
惟同分增長忍亦不同分修耶答如前廣  
說評曰前說皆好然順決擇分善根順見道  
故初起位中現在皆唯修法念住於增長位

有四念住隨一現前從初忍位近見道故於一切時現在惟修法念住卅第一法位亦惟法念住現在修未來修四一行相現在修未來修四同分修非不同分問卅第一法亦是曾得種性已緣諦起行相何故惟同分修非不同分耶答卅第一法是極隣近見道善根兼與見道相似如見道中惟同分修非不同分卅第一法亦亦有說卅第一法是見道前行修治道者故如見道惟同分修有說卅第一法惟有亦所行相可修如裸形者無衣可奪應知增上忍亦亦餘忍位中隨滅所緣則不修彼念住行相如應當知

說一切有部發智大毗婆沙論卷第一百八十八 動

金卍下亦作礦 鵠波陀上徒可反 煨煖下同

叢反自紅 著著略二同直 屬耳上音 茹菜上而 裸

形上郎果玄 盟烏骨 却敵下徒 樓櫓下音 睥

走計反 下音 諳窳窳 形上郎 迦溪下濕



